

四庫全書

經部

欽定四庫全書

經部

涼山讀周易卷二至五

詳校官左都御史臣李綬

通政使司副使臣莫瞻菴履勘

總校官進士臣朱鈐

校對官中書臣高中

謄錄監生臣王宮

欽定四庫全書

宗山讀周易卷二

宋 方寔孫 撰

上經



震下  
坎上

屯 序卦曰有天地然後萬物生焉盈天地之間者唯萬  
 物故受之以屯屯者盈也伊川曰萬物始生鬱結未  
 通故為盈塞於天地之間又曰  
 屯物之始生故繼乾坤之後  
 處之利在貞固白雲曰屯為人  
 道之始具四德初繼乾坤也  
 元亨利貞 伊川曰屯有  
 大亨之道而  
 勿用有攸往利建侯  
 伊川

曰方屯之時未可有所往也天下之屯豈獨力所能濟必廣資補助故利建侯也

屯有大亨之道利在貞固用陽剛之君子勿用小人  
有攸往可也屯卦言乘馬班如者三皆陰爻也是六  
二六四上六爻以柔處靜猶欲有待而往也惟六三  
柔而不中躁而好動有即鹿无虞之戒見小人不可  
用之而有攸往也明矣初九爻曰盤桓利居貞利建  
侯是屯卦所謂利貞利建侯者初九爻當之也九五  
為屯其膏之主未能出坎為二陰所陷於其上反使

初九剛貞之君子困於下位而在三陰之下此天下

之所以屯也苟能建侯用君子以經綸則可以亨屯

矣

彖曰屯剛柔始交而難生

伊川曰剛柔始交未能通暢則難屯故云難生動乎

險中

伊川曰以坎震二體言之動乎險中為艱屯之義

大亨貞

伊川曰屯有大

亨之道也所以能大亨由夫貞也非貞固安能出屯人之處屯有致大亨之道亦在夫貞固也

九五剛也六二柔也屯卦他爻皆不言屯惟六二爻

曰屯如遭如九五爻曰屯其膏是九五應於六二君

強臣弱剛柔始交未能通暢所以為屯難也六二象  
曰六二之難是屯卦所謂難生者由六二爻也九五  
動乎險中將欲出坎非大亨以貞則不可也九五曰  
小貞吉大貞凶是九五陷於二陰之中亦未能大亨  
貞也將何以亨屯乎下文曰宜建侯而不寧是言亨  
屯之事

雷雨之動滿盈

伊川曰陰陽始交則艱屯未能通暢及其和洽則成雷雨滿盈於天地之間生

物乃天造草昧宜建侯而不寧

伊川曰上文言天地生物之義此言時事天造

謂時運也。草草亂，无倫序，昧冥昧，不明。當此時，運所宜建侯自輔，又當憂勤兢畏，不違寧處。

震動也。坎險也。若以卦體而言，則動乎險中，是雲雷屯之時也。及大亨貞，雷雨之動滿盈，澤遍天下，則屯者終亨矣。天造草昧，豈有終屯之時哉。宜建侯而不寧，唯用君子，則可以亨屯，是大亨貞之道也。

象曰：雲雷屯。

伊川曰：坎不言雨，而云雲者，雲為雨而未成者也。未能成雨，所以為屯。白雲曰坎，在

上為雲，故雲雷屯。坎在下為雨，故雷雨作，解雲而未雨，所以為屯。

君子以經綸。伊川曰：君子觀

屯之象，經綸天下之事，以濟於屯，難經緯綸緝，謂營為也。

君子以經綸則可以亨屯矣

初九磐桓利居貞

伊川曰初以陽爻在下乃陽剛之才當屯難之世居下位者也未能便往

濟屯故磐桓也方屯之初不磐桓而遽進則犯難故宜居正而固其志利建侯京氏曰建侯抒難以

庇民所以分民而治之也故卦言建侯者其事也此言建侯者其人也象曰雖磐桓志行

正也伊川曰賢人在下時苟未利雖磐桓未能遂往濟時之屯然有濟屯之志無濟屯之用志行其正也

以貴下賤大得民也伊川曰九居屯難之時以陽而來居陰下為以貴下賤之象方屯之

時陰柔不能自存有一陽剛之才衆所歸從也更能自處卑下所以大澤民也

初九以剛貞而居下位磐桓自重而不輕進是利居



貞也屬於震體當動則動志亦在民非徒欲居貞而  
不欲行正也故象曰志行正也陽貴陰賤初九以陽  
爻而處三陰之下以貴下賤謙卑自牧當屯之初為  
民建侯得君而臣亦是大得民之道故象曰大得民  
也然所謂利建侯者欲建之而使在人上也豈可使  
剛貞之君子反在於三陰之下乎君子在下膏澤未  
能大及於民所以為屯也

六二屯如遭如

伊川曰如  
辭助也

乘馬班如

伊川曰不能進也  
班分布之義下馬

為班與馬異處也 潘 匪寇婚媾 伊川曰婚  
氏曰猶班師之班 媾正應也 女子貞不字

十年乃字

伊川曰苟貞固不易至於十年  
也極必通方獲正應而字育矣

象曰六二之

難乘剛也

伊川曰六二居屯之時而又乘  
剛為剛陽所逼是其患難也

十年乃字反

常也

伊川曰至於十年則難久必通矣乃  
得反其常與正應合也十數之終也

六二以陰柔而處大臣之位屯如遭如難猶未濟也

乘馬班如不能以有行也蓋以六二而乘初九使陽

剛之君子處於下位不得進用於上此屯難之所以

未濟也故象曰六二之難乘剛也又言六二應於九

五陰陽相合匪寇讐也乃婚媾也若以婚媾而論則  
女子貞不字知守正應雖不能字育猶待十年終得  
反常是女子之貞也豈六二大臣之道哉為大臣者  
當天卜屯難之時當進用君子以共濟天下之難不  
可以一日緩也乃欲悠悠玩愒以待反常於十年之  
後則天下不堪其久屯矣故六二之貞在女子則可  
在大臣則不可也屯六二所謂女子貞者亦猶恒卦  
六五所謂婦人吉也

六三即鹿无虞惟入於林中君子幾不如舍往吝

伊川曰六

三以柔居剛柔既不能安屯居剛而不中正則妄動雖貪於所求既不足以自濟又无應援又安之乎如即鹿而无虞人也入山林者必有虞人以導之无導之者則唯陷入於林莽中君子見事之幾微不若舍而勿遂往則徒取窮象曰即鹿无虞以從禽也君子舍之往吝窮吝而已

伊川曰事不可妄動以從欲也无虞而即鹿以從禽也當屯之時不可動而動猶无虞而即鹿以有從禽之心也君子則見幾而舍之不從若往則吝而困窮也

六三即鹿无虞是小人貪進而妄動也君子舍之勿

用小人而有攸往者知其往吝必至於窮也屯卦所

謂勿用有攸往者是言六三小人之不可用也

六四乘馬班如

伊川曰六四以柔順居近君之位得於上者也而其才不足以濟也故欲進而

復止乘馬班如也龜山曰六四靜而正居陰而不妄動者也故曰乘馬班如有待而行也求婚媾往

吉无不利

伊川曰初陽剛之賢乃正應己之婚媾也若求此陽剛之婚媾往與共輔陽剛中正之

君濟時之屯則吉而无不利也居公卿之位已之才雖不足以致時之屯若能求在下之賢親而用之何所不濟哉潘氏曰屯卦皆不利象曰求而往明也伊川曰知

往唯四往吉建侯之効也賢自輔而後往可謂明矣

六四與初九為正應是婚媾也六四以柔順而處近

君之位自知陰柔未足以濟屯難乘馬班如下求婚  
媾欲待初九陽剛之君子求以共往而輔九五之君  
是自知甚明也故往吉无不利與六三之往吝者大  
不同矣

九五屯其膏

伊川曰五居尊德正而當屯時若有剛明之賢為之輔則能濟屯矣以其无臣也故

屯其膏

小貞吉

伊川曰小貞則漸正之也

大貞凶

伊川曰既膏澤有所不下是威權不在已

也威權去已而欲驟正之求凶之道魯昭公高貴鄉公之事是也

象曰屯其膏施未光

也伊川曰膏澤不下及其德施未能光大也

屯卦曰元亨利貞彖曰大亨貞是屯有大貞之道也  
九五應於六二君強臣弱陰柔无助未能大亨以正  
又為二陰所陷於上故屯其膏澤施亦未光所以在  
坎險之中也時方坎險事當漸正故小貞則吉若徒  
欲任剛而好大則貞亦凶也故曰大貞凶是屯之九  
五德施未光尤不可徒好大也

上六乘馬班如泣血漣如

伊川曰六以陰柔居屯之終  
而无應援居則不安動无所

之乘馬欲往復班如不進窮厄  
之甚至於泣血漣如屯之極也

象曰泣血漣如何可長

也伊川曰屯難窮極莫知所為故至泣血顛沛如此其能長久乎潘氏曰難極則變烏有長屯者哉與否之

上九  
同意

屯卦六二六四爻曰乘馬班如猶有所待而往也上六處屯之極曰乘馬班如復何所待乎泣血漣如徒見其長窮而無益也屯上六否上九皆曰何可長也是易窮則變亦无長窮之理顧在所以變通者何如耳



坎下  
艮上



蒙亨

序卦曰屯者物之始生也物生必蒙故受之以蒙蒙者蒙也物之穉也伊川曰蒙有開發之理亨之

義也匪我求童蒙童蒙求我初筮告再三瀆瀆則不告利

貞

伊川曰五居尊位有柔順之德而方在童蒙與二為正應而中德又同能用二之道以發其蒙也二以剛

中之德在下為君所信向當以道自守待君至誠求已而後應之則能用其道匪我求於童蒙乃童蒙來求於

我也筮占決也初筮告謂至誠一意以求已則告之再三則瀆慢矣故不告也發蒙之道利以貞正二雖剛中

然居陰固宜有戒

彖曰山下有險險而止蒙

伊川曰艮上坎下艮為山為止坎為

水為險山下有險遇險而止莫知所之蒙之象也

蒙亨以亨行時中也

伊川曰蒙之能

亨以亨道行也所謂亨道時中也

匪我求童蒙童蒙求我志應也

伊川曰二

以剛明之賢處於下五以童蒙居上初筮告以剛中也

伊川曰初筮謂誠一而來求決其再三瀆瀆則不告瀆

蒙也伊川曰再三煩數也來筮之意煩數不能誠一則瀆慢矣不當告也告之必不能信受徒為煩瀆故

曰瀆蒙也求者蒙以養正聖功也伊川曰以純一未發告者皆煩瀆矣

聖之功也龜山曰正以蒙養之則不失赤子之心此作聖之功也

喜怒哀樂未發之謂中曰蒙亨者是蒙而未發之中

有亨而可發之理也及已發則為時中故曰以亨行

時中也童蒙求我謂六五求於九二以中求中志相

應也曰童蒙者謂六五柔順得中心清欲寡能如童  
蒙未發之時則可與為善非必以童蒙為幼主也初  
筮專一則告以九二剛中之道再三瀆則不告懼其  
瀆而愈蒙也蒙以養正聖功也始於童蒙終於作聖  
是九二欲勉其君以聖人之事非敢以發蒙而視其  
君也故九二爻曰包蒙吉與初六之曰發蒙者不同  
也

象曰山下出泉蒙

伊川曰山下有泉出而遇險未有所  
之蒙之象也南軒曰不謂之水而謂

之泉蓋象有君子以果行育德白雲曰山下之泉必養其源然後決而為江河

君子必有德深厚然後可以果行也

果行必先育德猶山下出泉先養其源也

初六發蒙利用刑人

伊川曰初以陰闇居下下民之象也又曰發下民之蒙當明刑禁以

示之使之知畏然後從而教導之

用說桎梏以往吝

伊川曰治蒙之初威之以刑者所以

說其昏蒙之極桎梏謂拘束也童溪曰以六居初陰暗未明欲發其蒙不于此時而預禁之不可也所謂刑人者非必殺戮之也正其法以示之立其防束使蒙者知所懼而不敢肆為然後漸知善道可得而化也當是時也苟說其桎梏而不豫以象曰利用刑人以正法告之則過此以往不可復制矣

也  
楊氏曰正吾  
教人之法也

初六發蒙利用刑人是正其法禁以防民於其初也  
非遽欲用刑以加之也至於上九擊蒙是終不可教  
則不得已而後擊之也豈敢躁用刑哉

九二包蒙吉納婦吉子克家

伊川曰克濟其君之  
事猶子能治其家

象曰

子克家剛柔接也

白雲曰五父道也二子道也又曰二  
之剛中上接於柔五之柔順下接於

也剛

蒙卦曰童蒙求我是六五求於九二有師道也然以

九居二亦有臣道剛貴得中必能有道以色承六五  
童蒙之主而善事之則吉也蓋臣之事君猶婦之事  
夫子之事父曰納婦吉者是取其順於內之象非謂  
九為夫六為婦也曰子克家者是九二大臣又當幹  
其國事如子能治家以承其父則剛柔相接二五相  
得非謂九二敢以發蒙而視其君也

六三勿用取女見金夫不有躬

潘氏曰六三陰柔女也與上九為應而近從於

二見利忘義失身於人將焉用之不可取也九二剛故稱金夫

无攸利

楊氏曰行而不順宜其无所利

也象曰勿用取女行不順也

蒙者育德而未發非以蔽而失德者謂之蒙也六三陰柔不中應於上九又欲從九二見利忘義不有其身是婦人之蔽者不足以謂之蒙故六三爻獨不言蒙也九二納婦豈宜取如是之女乎故曰勿用取女謂九二包蒙亦不苟合於如是之小人也

六四困蒙吝象曰困蒙之吝獨遠實也

伊川曰四以陰柔而蒙暗无剛

明之親援无由自發其蒙困於昏蒙者也又曰四陰柔而最遠於剛乃愚蒙之人而不比近賢者无由得明矣

故困於蒙可羞吝者以其獨遠於賢明之人也石氏曰  
六四去九二遠隔六三去上九遠隔六五獨遠於陽是  
以固於蒙也陽  
為實陰為虛

六四以陰柔而得近君之位隔於六三不得近九二

剛實之君子故困於蒙而可羞吝也

六五童蒙吉

伊川曰童取未  
發而資於人也

象曰童蒙之吉順以巽也

伊川曰五以柔順居君位下應於二以柔中之德任剛  
明之才足以治天下之蒙故吉也又曰舍己從人順從  
也降志於  
求卑巽也

六五曰童蒙吉猶孟子所謂大人不失赤子之心也



以六居五能順而巽又得九二大臣而告之以剛中之道所以吉也

上九擊蒙不利為寇利禦寇

伊川曰九居蒙之終是當蒙極之時人之愚蒙既極

如苗民之不率為亂者當擊伐之然九居上剛極而不中故戒不利為寇治人之蒙乃禦寇也肆為剛暴乃為寇也若舜之誅有苗周公之誅三監禦寇也秦皇漢武窮兵誅伐為寇也象曰利用禦寇上

下順也

伊川曰上下皆得甚順也上不為過暴下得擊去其蒙禦寇之義也

六五爻曰順以巽也上九爻曰上下順也是六五能以順巽之德而下順於九二剛中之大臣及其終也

剛柔相濟能治天下之蒙而上下皆順此蒙之所以  
亨也曰擊蒙者是剛克也



乾下  
坎上

需序卦曰物穉不可不養也故有孚光亨貞吉利涉大

川伊川曰五為君位為需之主有剛健中正之德而誠

貞正而吉也以此而需何所不彖曰需須也險在前也

剛健而不陷其義不困窮矣伊川曰需之義須也以險

而行也以乾之剛健而能需待不輕  
動故不臨於險其義不至於困窮也

需者須待也。當屯蒙之後，民未能以自養，故須待乎君。君未能以遍養乎民，故須待乎君子。君子又欲需時而後進，初九需於郊，九二需於沙，九三需於泥，三陽在下，所以須待而行者，謂坎險在前，未可輕動，又恐九五為二陰之所陷也。以剛健而能知險，故不陷於險，則雖遇困窮之時，而其義可以不困窮矣。

需有孚，光亨，貞吉。

伊川曰：五以剛實居中，為孚之象，而得其所需。六為有孚之義。位乎

天位以正中也。

伊川曰：居天位，指五以中正，兼二言。

利涉大川，往有功也。

伊川曰既有孚而貞正雖涉險阻往則有功也京氏曰始於知險而待時中於出險而得位終於濟險而有功則需之義畢矣

此言九五為需卦養賢之主有孚於內光亨於外以貞而吉位乎天位以中正之道以下應於九二之大臣故得三陽並進不為六四上六二陰之所陷則可以出坎而往有功也

象曰雲上於天需

伊川曰雲上於天有蒸潤之象飲食所以潤益於物故需為飲食之道又

曰雲氣蒸而上升於天必待陰陽和洽然後成雨雲方上於天未成雨也故為須待之義廣平曰雲上於天則

澤將下流天下之所  
君子以飲食宴樂  
伊川曰飲食以  
養其氣體宴樂  
以和其心志白雲曰屯蒙之後天下之所需者君君之  
所需者賢飲食宴樂所以養賢膏澤將以及民亦天下  
之所  
需也

飲食所以養賢者之體宴樂所以養賢者之心需卦  
九五爻曰需於酒食貞吉是九五為剛貞之主飲食  
可以養賢矣然賢者之所以宴樂則不在於區區之  
飲食也六四爻曰出於穴是小人能避賢者而順以  
聽之也上六爻曰入於穴是小人能延致賢者而敬

之終吉也九五在上能使三陽並進而小人不得以  
害賢者此需卦所以為宴樂也

初九需於郊利用恒无咎

伊川曰初最遠於險故為需於郊郊者曠遠之地也處於

曠遠利在安守其常則无咎也不能安常則躁動犯難  
豈能需於遠而无過也童溪曰需之坎險在前逼近則  
為泥九三是也漸近則為沙九二象曰需於郊不犯難  
是也最為遠則為郊初九是也

行也利用恒无咎未失常也

伊川曰處曠遠者不犯冒險難而行也陽之為物剛

健上進者也初能需待於曠遠之地不犯險  
難而進復宜安處不失其常則可以无咎矣

利用恒无咎欲其常遠於坎險也

九二需于沙

伊川曰坎為水水近則有沙二去險漸近故為需於沙

小有言終吉

伊川曰言語之傷至小者也二以剛陽之才而居柔守中寬裕自處需之善也雖去險漸近而未至於險故小

有言語之傷而无大害終得其吉也

象曰需於沙行在中也雖小有言以

吉終也

伊川曰衍寬綽也胡氏曰沙近於水亦平易之地也二居遠近之間剛得其中守平易之心而

已以君子守其中正而不與小人苟合雖興譖謗之言終不能害乎已以九二有寬衍之德而居中故也

九二與九五為正應以寬衍之德而居二陽之中能

與同類需時而動故小人雖有譖言不能以害已也

六四上六是陰柔之小人也六四爻曰順以聽也上

六爻曰敬之終吉則九二能以吉終也可知矣

九三需於泥致寇至

伊川曰泥逼於水也既逼於險當致寇難之至三剛而不中又居健

體之上有進動之象故致寇也苟非敬謹則致喪敗矣

象曰需於泥災在外也自

我致寇敬慎不敗也

伊川曰寇自己致若能敬謹量宜而進則无喪敗也需之時須而後

進其義在相時而動非戒其不得進也直使敬謹毋失其宜耳

九三比於六四應於上六迫近坎險是災在外而將

至也剛而不中故有自我致寇之戒謂小人可畏與

寇盜无異也九三惟能敬謹需時而動故不至於敗



上六爻曰敬之終吉是九三能先自敬則上六亦終敬之也人豈可不自敬乎

六四需於血出自穴象曰需於血順以聽也

伊川曰四以陰柔之

質處於險而下當三陽之進傷於險難者也故云需於血既傷於險難則不能安處必失其居故云出自穴物之所安也順以從時不競於險難所以不至於凶也龜山曰血陰傷也出自穴不安其所也陰雖不安其所而能順以聽則雖傷而不至於凶矣六四以柔居陰能順以聽也潘氏曰羣剛在下得時則進六四以一陰居當路傷敗可立而待也故曰需於血出穴避之其庶幾乎

六四出自穴以避三陽之來是小人之聽順於君子

者也故不言凶

九五需於酒食貞吉象曰酒食貞吉以中正也

龜山曰需於酒

食而不以正則是自溺於荒腴耳能无凶乎故正乃吉京氏曰彖言正中而爻言中正何也彖所言者以位為主故先正而後中爻所言者以德為主故先中而後正

九五剛中而得正位為需於飲食之主欲待養賢以及萬民是貞吉也若昵於小人徒欲以飲食而自娛樂則陷於坎矣非貞吉也

上六入於穴

伊川曰陰止於六乃安其處故為入於穴穴所安也潘氏曰三陽畢進四居當道猶

順聽之上居高位可不敬  
有不速之客三人來敬之終

吉

伊川曰三人謂下之三陽童溪曰三陽者有待而來

亦久矣故曰不速之客彼待而來吾可无以待其來

乎

敬之而已矣彼三人者雖九三獨為吾應已初與象

二亦吾所不失其親之人也故居需之終而獲吉焉

曰不速之客來敬之終吉雖不當位未大失也

伊川曰不當位

謂以陰而在上也又曰陰宜在下而居上為不當位也

然能敬慎以自處則陽不能陵終得其吉雖不當位而

未至於大失也

上六不言需者上六為需之極无所復待也入於穴者延三陽之來也三陽在下不肯躁進是不速之客

三人也為上六者唯能入於穴致恭盡禮以延其來如待嘉客則上六雖不當位亦未大失是小人能敬君子猶可以終吉也



乾上坎下

訟序卦曰飲食必有訟故受之以訟伊川曰人之所需者飲食既有所須爭訟所由起也訟所以次需也

有孚窒惕中吉終凶利見大人不利涉大川伊川曰訟之道必有

其孚實中无其實乃是誣妄凶之道也卦之中實為有孚之象訟者與人爭辨而待決於人雖有孚亦須窒塞故通不窒則已明无訟矣事既未辨吉凶未可必也故有畏惕中吾得中則吉也終凶終極其事則凶也訟者

求辨其曲直也故利見大人大人則能以其剛明中正  
訟所決也訟非和平之事當擇安地而處不可陷於危  
險故不利  
涉大川也

訟卦九五為聽訟之大人初六二三爻皆曰終吉是  
訟者以終柔為吉也九二九四爻皆曰不克訟是訟  
者亦不以剛為能也上九處訟之終則有終朝三褫  
之戒是訟終凶也

彖曰訟上剛下險險而健訟

伊川曰以二體言之上剛下險剛險相接能无訟乎

又人內險阻而外剛強所以訟也又曰上剛下險險而  
又健也又為險健相接內險外健皆所以為訟也若健

而不險不生訟也險而不健不能訟也險而又健是以訟也

訟有孚窒惕中吉剛來

而得中也

伊川曰以剛處中中實之象故為有孚處訟之時雖有孚信亦必艱阻窒塞而有惕懼童

漢曰二以剛中則中實實有孚也以一陽而居坎險之中故為窒坎為加憂故知惕

九剛也二柔也九二以剛而來居於柔故為得中合

於有孚窒惕中吉之道也

終凶訟不可成也

伊川曰訟非善事不得已也安可終極其事極意於其事則凶矣故曰不

可成也成謂窮盡其事也童溪曰終凶謂過剛也上九是矣

利見大人尚中正也

伊川

曰利見大人以所尚中正也聽者非其人則或不得其中正也大人九五是其

不利涉大川入

於淵也

伊川曰若蹈危險則陷其身乃入於深淵也西溪曰入於淵也求濟其訟患愈深也

既曰利見大人又曰不利涉大川訟為凶事雖利見九五中正之大人亦終不利涉險而入於深也故九

二以有孚窒惕而中吉上九以訟極而終凶

象曰天與水違行訟

伊川曰為卦乾上坎下以二象言

所以成訟又曰二體違戾訟之由也若上下相順訟何由興

君子以作事謀始

伊川曰君

子觀象知人情有爭訟之道故凡所作事必謀其始繼訟端於事之始則訟无由生謀始之義廣矣若謹交結明契券之類是也白雲曰邦無道免於刑戮在下之謀始也刑期無刑必也使無訟在上之謀始也

初六不永所事小有言終吉象曰不永所事訟不可長

也雖小有言其辨明也

龜山曰既已有言則非无訟也唯其辨明故終吉夫訟非可長

之事居訟之初謀始之時也故孔子因以戒之有不可長之辭

初六居訟之初作事謀始以柔順而居下不永所事

知訟之不可長雖小有言其辭猶寡不敢以訟為長而求勝於人其辨吉凶也甚明是知有終吉之道者也

九二不克訟歸而逋其邑人三百户无眚

伊川曰九二自外來以剛



處險為訟主乃與五為敵五以中正處君位其可敵乎  
是為訟而義不克也若知其義之不可退歸而逋避以  
寡約自處則得无過眚也必逋者避為敵之地三象曰  
百戶邑之至小者若處强大是猶競也能无眚乎  
象曰  
不克訟歸逋竄也

京氏曰逋言道之遠也竄言伏之深也

自下訟上患至

掇也

伊川曰自下而訟其上義乖勢屈禍患之至猶掇拾而取之言易得也

九二剛而得中應於九五可以无眚矣屬於坎體設

或不幸而陷於險中无可告訴義不克訟將奈何哉

惟欲退歸而逋竄恥不容於其君無以見其邑人也

為邑人者凡三百戶皆知九二之為无眚矣不敢自

下而訟上以掇取禍患此九二之所以无肯卦之所  
謂窒惕中吉文王自姜里歸以服事殷即是心也後  
世如衛元咺之訟其君是春秋之罪人矣

六三食舊德貞厲終吉

伊川曰祿者稱德而受食舊德謂處其素分貞謂堅固自守厲

終吉謂雖處危地能知危懼則終必獲吉也

或從王事无成

伊川曰柔從剛者也下從上者

也三不為訟而從上九所為故曰或從王事无成謂從上而成不在已也

象曰食舊德從上

吉也

訟卦唯六三不言訟三多凶之地也以六居三有柔

順之德而安於下卦不求訟於其上曰食舊德者處其素分也貞固自守雖危厲而終吉可以出坎以從上而吉也或從王事无敢以成功自居可以觀其德矣

九四不克訟

伊川曰五君也義不克訟又曰四雖剛健欲訟无與對敵其訟无由而興故不克訟

復即命渝安貞吉

伊川曰既義不克訟若能克其剛忽欲訟之心復即就於命革其心平其

氣渝變而為安貞則吉矣命即理龜山曰命天理也知義不克則自反而即理非迷而不復者其吉不亦宜乎童溪曰九二之歸而逋九象曰復即命渝安貞不失也四之復而渝皆貴知反也

西溪曰自反而就命變去始訟之意而正理不為失也如虞芮之爭至文王之境而遜心生也曰安正不失即本然天理未嘗喪也

五君位也九二應於九五九四近於九五皆曰不克訟者義不可克於其君也九二陷於坎險之中義不克訟欲遁而竄所以无眚九四處近君之位義不克訟屬於乾體之下復及命渝自反而安以天自處貞固如此不失其天理所以安而且吉也

九五訟元吉象曰訟元吉以中正也

伊川曰以中正居尊位治訟者也治

訟得其中正所以元吉大吉而盡善也朱氏曰中則聽不偏正則斷合理

九五以中正而為聽訟之主使天下各得其中正所

以大吉而盡善也

上九或錫之鞶帶

兼山曰大帶

終朝三褫之

伊川曰九以陽居上剛健之極

又處訟之終極其訟者也人之肆其剛強窮極於訟取禍喪身固其理也敢或使之善訟能勝窮極不已至於受服命之賞是亦與人仇爭所獲其能象曰以訟受服安保之乎故終一朝而三見褫奪也

亦不足敬也

伊川曰窮極訟事設使受服命之寵亦且不足敬而可賤惡况又禍患隨至乎

鞶帶非所以賞訟也曰或者設詞也上九以健極而

處訟之終卦所謂終凶者也設或錫之以鞶帶以訟  
受服亦不足敬欲終朝而三褫之況未必勝乎其凶  
可知矣

淙山讀周易卷二

欽定四庫全書

淙山讀周易卷三

宋 方寔孫 撰

上經



坎下  
坤上

師序卦曰訟必有衆起故受之以師師者貞之興以正  
衆也伊川曰師之興由有爭所以次訟貞之興以正  
為大人吉无咎伊川曰其動雖正也帥之者必丈人則  
本大人吉无咎吉而无咎又曰吉且无咎乃盡善也丈  
人者尊嚴之稱又曰所謂丈人不必素  
居崇貴但其才謀德業衆所畏服是也

師以貞為主六五柔而得中為師卦之主唯先自正而後能以衆正也故彖曰能以衆正可以王矣師卦五陰而一陽在下九二是也九二剛而得中應於六五之君命帥師以正而民從之乃卦所謂丈人吉无咎者也故九二爻曰在師中吉无咎

彖曰師衆也貞正也能以衆正可以王矣

伊川曰能使衆人皆正可

以王天下矣

剛中而應

伊川曰言二也以剛處中剛而得中道也六五之君為正應信任之專也

行險而順

伊川曰以二卦之義言之內險外順險道而以順行師之義也

以此毒天下



而民從之吉又何咎矣

伊川曰師旅之興不无傷財害人毒害天下然而民心從之者

以其義動也古者東征西怨民心從也如是故吉而无咎吉謂必克无咎謂合義西溪曰聖人之兵以順動然

猶曰毒天下見用兵終非好事

象曰地中有水師

伊川曰水聚於地中為衆聚之象

君子以容民畜衆

伊川曰君子觀地中有水師之象以容保其民畜聚其衆郭氏曰地所以容民水所以畜衆大司徒有比閭族黨州鄉容民之道也小司徒有伍兩卒旅師軍畜衆之道也

地中有水猶民中有兵也曰容曰畜欲藏於中非必

出之於外初六爻云師出以律必不得已而後出也

初六師出以律否臧凶

伊川曰初師之始也故言出師之義及行師之道又曰不以律

則雖善亦凶雖使勝捷猶凶道也制師无法幸而不敗且勝者有之矣聖人之所戒也

象曰師出

以律失律凶也

伊川曰師出當以律失律則凶矣雖幸而勝亦凶道也

初六出師之始先有紀律則不至於失律而凶否則

雖臧亦凶也况未必臧乎帥之以九二師所以有紀

律而初六順從於其下也

九二在師中吉无咎

伊川曰師卦唯九二一陽為衆陰所歸五居君位是其正應二乃師

之主專制其事者也居下而專制其事唯在師則可自古命將閫外之事得專制之在師專制而得中道故吉

而无咎蓋將專則失為下之道下  
專則无成功之理故得中則吉  
王三錫命伊川曰凡師之道威

和並至則吉也既處之盡其善則能成功而安天下故  
王錫寵命至於三也凡事至於三者極也六五在上既

專倚任復厚其寵數蓋禮不稱則威不重而下不信  
也楊氏曰三錫者一命受職再命受位三命受服象

曰在師中吉承天寵也伊川曰以其承天之寵任也天謂王也西溪曰承天寵也奉君

命而行使三軍之眾知命出於君也王三錫命懷萬邦也伊川曰王三錫以恩命褒其成

功所以懷萬邦也西溪曰聖人用兵不得已多殺非其心故三錫之意只在綏懷

卦言丈人吉无咎者九二也九二爻不敢言丈人者

王在上也九二以一陽在下專制用事在他時則不

可唯在師中吉以承天寵而行也天寵者言王命也  
尊王如天也王三錫命以綏懷萬邦柔而得中是六  
五之本意也九二帥師欽承王命剛中而應不寬不  
猛欲使威出於將而恩歸於君以見九二之能承天  
寵六五之能懷萬邦也六五爻云長子帥師故由師  
卦而言則九二為丈人由六五而言則九二為長子  
又見六五之於九二義則君臣恩猶父子如此其寵  
也

六三師或輿尸凶象曰師或輿尸大无功也

伊川曰二以剛中之

才為上信倚必專其事乃有成功君復更使衆人主之凶之道也輿尸衆主也蓋指三也以三居下之上故發此義又曰倚付二三安能成功龜山曰唐九節度之師不立統帥雖李郭善兵猶不免敗輿尸之凶可知

此二在師中吉六三陰柔而不中不可使之在九二之上故以或輿尸凶而為戒

六四師左次无咎象曰左次无咎未失常也

伊川曰四以柔居陰

非能進而克捷者也知不能進而退故左次左次退舍也量宜進退乃所當也故无咎見可而進知難而退師之常也又曰行師之道因時施宜乃其常也故左次未必為失于氏曰左者无用地

六四屬於坤體以順處靜欲量敵而後進與河上乎

逍遙者不同故无咎

六五田有禽利執言无咎

伊川曰五君位興師之主也故言興師任將之道師之興

以蠻夷猾夏寇賊姦宄為生民之害然後奉辭以誅之若禽獸入於田中侵害稻稼於義宜獵取則獵取之如此而動乃得无咎若輕動以毒天下其咎大矣執言奉辭也明其罪以討之也若秦皇漢武皆窮山林以索禽獸者也非長子帥師弟子輿尸貞凶  
伊川曰任將授師田有禽也  
師二在下而為師之主長子也若以弟子衆主之則所為雖正亦凶也弟子凡非長者也自古任將不專而致覆敗者如荀林父邲之戰郭子儀相州之敗是也潘氏曰長子望尊而更練可以當師中之任弟子年少而輕

率必將有輿尸之象曰長子帥師以中行也弟子輿尸

凶用將不可不謹

伊川曰長子謂二以中正之德合於上而受任以行若復使其餘者衆尸其事是任使之

不當也其

凶宜也

長子謂九二也六五與九二為正應長子帥師合於中行之義故九二爻曰在師中吉輿尸謂六三也若使六三復得以乘九二於其上則貞亦凶也故六三

爻曰師或輿尸凶

上六大君有命

童漢曰亂略既平海內統一故於此時稱大君

開國承家小人

勿用

伊川曰上師之終也功之成也大君以爵命賞有功也開國封之為諸侯也承家以為卿大夫也承

受也小人者雖有功不可用也故戒使勿用師旅之興成功非一道不必皆君子也故戒以小人有功不可用

也賞之以金帛祿位可也不可使有國家而為政也小

象曰大君有命以正功也

小人勿用必亂邦也

伊川曰

恩賞之柄以正師旅之功師之終也雖賞其功小人則不可以有功而任用之用之必亂邦小人恃功而亂邦

者古有之矣童溪曰師休之日而用非其人則一亂去而一亂生矣

五君位也師卦六五不言大君而上六言大君何也

師卦下五爻專言行師之道將在軍中君命有所不



受九二以一陽而專制於下為六五者能任九二以帥師便宜從事可以禦外亂矣上爻則專言行賞之道開國承家隨宜輕重以正功曰大君有命者聽之於上非九二之所敢專也九二剛而得中與六五為正應乃正功也曰小人者六三陰小而不中者也六三爻曰師或輿尸凶六五爻曰弟子輿尸使不當也皆言六三之不可用也六三應於上六上六反戒之曰小人勿用必亂邦也曰勿用者絕之也當行師之

時輕用小人若六三輿尸之類非惟无功終必亂邦於其上故戒之如此其詳也師卦言丈人吉无咎以見九二之為丈人非小人也六三爻象言大无功也以見六三之大无功小人之不可用也或謂師之小人時乎可用亦終有功而受賞則誤矣



坤下  
坎上

比吉序卦曰衆必有所比故受之以比伊川曰比親輔也人之類必相親輔然後能安故既有衆則必有所以次師也原筮元永貞无咎伊川曰人相親后氏曰得所比則吉原筮元永貞无咎比必有其道苟

非其道則有悔吝故必推原占決其可比者而比之筮  
謂占決卜度非以著龜也所比元永貞則无咎元謂有  
君長之道永謂可以常久貞謂得正道上也下必有  
此三者下之從上必求此三者則无咎也龜山曰无長  
人之仁則雖比而不親无可久之德則雖  
比而必離无正固之守則雖比而不周  
夫凶則能保其安當其不寧之時固宜汲汲以求比若  
獨立自恃求比之志不速而後則雖夫亦凶矣况柔弱  
者乎夫剛立之稱龜山曰一陽在上衆陰在下而順從  
之比之吉也上六獨居其上而  
乘之无順從之義後夫者也

師卦五陰惟九二以一陽而在下是將臣行師之象  
比卦五陰唯九五以一陽而在上是人君居位之象

比樂師憂師之時不如比之為吉也比卦六爻言吉者四當比之初推原占筮欲得元永貞者而比之則終可无咎初六爻曰有孚比之无咎是也九五顯比之吉乃卦所謂元永貞者也六二應於九五曰比之自内貞吉六四近於九五曰外比之貞吉其吉可知矣惟上六在於九五之欲欲乘其上卦所謂後夫凶者也上六爻曰比之无首凶六三應於上六是失所比者也六三爻象曰比之匪人不亦傷乎其凶又不

待言矣

彖曰比吉也

伊川曰物相親比乃吉道也

比輔也

伊川曰相親輔也

下順從

也

伊川曰五以陽居尊位羣下順從以親附之所以為比也南軒曰獨言下順從豈非斥上六之在外者乎

原筮元永貞无咎以剛中也

伊川曰推原筮決相比之道得元永貞而後可以无

咎所謂元永貞如五是也以陽剛居中正盡比道之善者也以陽剛當尊位為君德元也居中得正能永而貞

也 不寧方來上下應也

伊川曰人之生不能保其安寧方且來此附比民不能自保故

戴君以求寧君不能獨立故保民以為安不寧而來比者上下相應也又曰衆爻皆陰獨五以陽剛居君位衆

所親附而上亦親下故為比也

後夫凶其道窮也

楊氏曰上六謂之後夫凶以其來之暮而

道窮也

象曰地上有水比

伊川曰上坎下坤以二體言之水在地物之相切比無間莫如水之在

地上故為比也

先王以建萬國親諸侯

西漢曰封建萬國而使之小大相比則親諸侯

乃所以親民也

初六有孚比之无咎

伊川曰初六比之始也相比之道以誠信為本中心不信而親人人

誰與之故比之始必有孚誠乃无咎也孚信在中也

有孚盈缶終來有它吉

伊川曰誠

信充實於內若物之盈滿於缶中也缶質素之器言若缶之盈實其中外不加文飾則終來有他吉也西漢曰

始而往比乎人故无咎而已終也人乃來比乎已故又吉焉潘氏曰始之有孚能无咎耳終而盈缶吉且有餘

也象曰比之初六有它吉也

伊川曰言比之初六者比之道在乎始也始能有孚

終致有它之吉其始不誠終馬得吉上六之凶由无首也

初六言有孚者再誠積於中有盈缶之象終來有它

吉人亦信之於外六四爻曰外比之貞吉是應初六者也

六二比之自內貞吉

伊川曰二與五為正應皆得中正以中正之道相比者也二處於內

自內謂由己也又曰己以得君道合而進乃得正而吉也象曰比之自內不自失也

伊川曰以中正之道應上之求乃自內也不自失也汲汲以求比非君子自重之道乃自失也

六二與九五為正應以中合中比之自內不失其君亦不失已之道以貞而吉者也

六三比之匪人

伊川曰三不中正而所比皆不中正童溪曰以六居三比之所謂不正人也

象曰比之匪人不亦傷乎

伊川曰人之相比求安吉乃比於匪人必將反得悔吝亦

可傷矣

六三陰柔不中應於上六是比之匪人也上六无首

其為匪人也可知矣六三與之而俱傷不亦可傷乎

六四外比之貞吉

伊川曰外比於五象曰外比於賢以乃得貞正而吉也



從上也

伊川曰五剛陽中正賢也居尊位在上也親賢從上比之正也故為貞吉以六居四亦為得正

之義又陰柔不中之人能比於剛明中正之賢乃得正而吉也

六二與九五為正應處大臣之位以中道而比於其君故曰比之自內貞吉六四處近君之位外比於有孚之賢者與初六為正應更相汲引以從其上而比於九五顯明之君不欲私附於其內故六二六四爻皆曰貞吉以見九五之為顯比也

九五顯比

伊川曰五居君位處中得正盡比道之善者也又曰聖人以大公无私治天下於顯比見

之王用三驅失前禽

伊川曰天子之田圍合其三前開一路使之可去不忍盡物好生之

仁也止取其不用命者不出而反入者

邑人不誠吉

也禽獸前去者皆免矣故曰失前禽

曰言其至公无私无遠近親疎之別也

邑者居邑易象中所言易皆同王者所都諸侯國中也誠期約也

曰顯比之吉位正中也

伊川曰顯比所以吉者以其所居之位得正中也處正中之地

由正中之道比以不偏為善故者正中凡言正中者其處正得中也比與隨是也言中正者得中與正也訟與

需是舍逆取順失前禽也

伊川曰禮取不用命者乃是舍順取逆也順命而去者皆免矣比以向背而言謂去者為逆來者為順也

故所失者前去之禽也

言來者撫之去不追也

誠上使中也

伊川曰不期誠於親近上之使下中平不偏遠近如一也

九五所以為顯比之吉者以中正之道居正中之位  
无所偏私舍逆取順有三驅失前禽之象生意浹洽  
使邑人親比於其中有不待告誡而自相孚者可見  
其為顯比也所謂後夫凶者如上六之類將自取禍  
於其後也與前禽者不同豈可不戒哉

上六比之无首凶

伊川曰六居上比之終也首謂始也凡比之道其始善則其終善矣有始

而无終者或有矣未有无始而有終者也故此之无首至終則凶京氏曰九五顯比之主下爻莫不承之上六位乘九五諸爻皆順而上爻獨逆象曰比之无首无所不有其君也首者君之象也

終也

伊川曰比既无首何所終乎

上六无首在九五之後而欲乘其上所謂後夫凶者

也



乾上 巽下

小畜亨

序卦曰比必有所畜故受之以小畜伊川曰物相比附則為聚畜又曰為卦巽上乾下巽陰也

其體巽順惟能以巽順柔其剛健非能力止之也畜道之小者也又曰以一陰得位為五陽所說得位得柔巽

之道也能畜羣陽之志是密雲不雨自我西郊  
伊川曰雲陰陽

以為畜小畜謂以小畜大  
之氣二氣交和則相畜因而成雨陽唱而陰和者順也  
若陰先陽唱不順也故不和則不能成雨雲之畜聚雖

密雲而不成雨者自西郊故也東北陽方西北陰方自  
陰唱故不和而不能成雨以人觀之雲氣之興皆自四  
遠故云郊據四  
而言故云自我

小畜異於大畜何也小畜乾下巽上以六四以畜九  
五剛健之君巽者順也能順其君於上者其道小也  
故曰小畜大畜乾下艮上以六四而畜六五柔順之  
君艮者止也能止其君於上者其道大也故曰大畜  
陽大而陰小小畜六四以一陰而畜五陽小无畜大  
之理所以亨者六四以巽順之道得近君之位衆陽

交助而上下應之所以亨也向使陽不助陰則陰陽不和不能成雨有密雲不雨自我西郊之象亦不得謂之亨矣

彖曰小畜柔得位而上下應之曰小畜

伊川曰以陰居四爻處上位柔

得位也上下五陽能係而不能固是以為小畜也健而巽

卦才言也內剛中而志行乃亨

伊川曰二五居中剛中也

密雲不雨

尚往也自我西郊施未行也

伊川曰小畜之不能成大猶西郊之雲不能成雨也

西漢曰陽未遽和也然終必成雨則畜道成矣故卦言不雨畜未成也上九言既雨畜道成也彖言施未行未

成畜也言尚往不以未成畜而止也

柔得位者言六四也以六居四屬於巽體柔順得位以一陰而畜五陽上下皆應之曰小畜是六四陰爻為之也所以亨者非陰爻之所能獨為也乾健而巽順者卦體有上下也言下卦則九二為剛中言上卦則九五為剛中剛中相應而志行乃亨則小畜之所以亨者二五陽爻為之也密雲不雨尚往而未已自我西郊施猶未行及至上九爻曰既雨既處則小畜

之所以既雨者亦陽爻之在上者為之也小畜之道  
豈六四一陰爻所能獨為之乎

象曰風行天上小畜君子以懿文德

楊氏曰柔懿文德而後可畜者非一

朝夕之故亦猶小畜之才非一爻之所  
能畜焉懿文德者浸以光大則懿矣

巽為風乾為天風行天上非人力畜制之所能及也

君子觀象以懿美其文德文謂華采德謂質實先有  
所畜於已則可以畜其君潛孚陰格以漸而入是小  
畜之道也



初九復自道何其咎吉

伊川曰初九乃由其道而行无過咎故曰何其咎无咎之甚

明象曰復自道其義吉也

伊川曰陽剛之才由道而復其義吉也初與四為應當畜

時乃相畜者也

初九以陽剛之才當小畜之初先有所畜於己與六

四為正應及復而自求於道无有過咎合義而吉以

見六四之能畜其君亦初九能應之於其下也

九二牽復吉

伊川曰二五同志相牽連而復

象曰牽復在中

伊川曰二以陽居下

體之中五以陽居上體之中皆以陽剛居中

亦不自失也

伊川曰二居居得中者也

九二以剛中之大臣應於九五剛中之君彖所謂剛中而志行乃亨者也九二能牽引其君以復反於道亦不自失其中故吉以見小畜之道亦非六四一陰爻之所能獨成也

九三

伊川曰三以陽爻居不得中

輿說輻

伊川曰猶車輿說去輪輻不能行也

夫妻反

目

伊川曰反目象曰夫妻反目不能正室也

伊川曰夫妻反目由

不能正其室家也三自處不以道故四得制之不使進

九三剛不得中則勢不足以有行是輿說輻之象也

以若所為施於其家夫妻反目猶不能以正其室況能以臣而畜君乎以見小畜之道唯六四巽順而得位故能有道而畜其君非九三剛不得中者之所能為也九三屬於乾體夫之象也上九屬於巽體妻之象也夫九三與上九為正應以剛遇剛故九三爻有夫妻反目之戒上九爻有婦貞厲之戒隨爻取象義各不同若謂九三為夫六四為妻為九三者舍正應於其上反密比於六四為六四者反以妻而制其夫

則皆有過咎矣六四爻何以謂之无咎哉

六四有孚

伊川曰四於畜時處近君之位畜君者也若內有孚誠則五志信之從其畜也血去

惕出无咎

伊川曰諸陽之志係於四四苟欲以力畜之則一乘敵衆剛必見傷害唯盡其孚誠以應

之則可以感之矣故其傷害遠去其危懼免也如此則可以无咎不然則不免乎害矣此以柔畜剛之道也

象曰有孚惕出上合志也

伊川曰四既有孚則五信任之與之合志所以得惕出而

无咎也惕出則血去可知

六四曰有孚九五曰有孚攣如以見六四之能畜其

君與九五而合志也血者陰傷也六四以陰爻而近

於九五與之合志无所傷害其血去可知矣六四處  
於巽體之下猶知畏懼必欲惕出而後得无咎蓋事  
九五剛健之君如此其難也以柔畜剛不敢自大故  
曰小畜此六四之所以无咎

九五有孚攣

如西溪曰五有孚與四相從攣如固結之深也

富以其鄰

伊川曰五

以居尊位之勢如富者推其財物與鄰比共之也龜山曰從而與之共天位食天祿能富以其鄰者也西溪曰陽為富四象曰有孚攣如不獨富也白雲曰富以其鄰已之鄰也

九五六四爻皆曰有孚以信遇信相從也固故曰攣

如陰虛為乏陽實為富九五之於六四相資也厚與之共享天祿相親也密又合於臣哉鄰哉之義故曰富以其鄰亦見君之能畜其臣非獨六四之能畜其君也

上九既雨既處

伊川曰既雨和也既處止也陰之畜陽不和則不能止既和而止畜之道成矣

尚德載

伊川曰四用柔巽之德積滿而至於成也

婦貞厲

伊川曰婦謂陰也以陰畜陽以柔制

剛婦若貞固守此危厲之道也安有

月幾望君子征凶

過 龜山曰月遯日以為明望則與日敵矣故幾望則不可過君子至是而猶征焉凶之道也小畜以陰畜陽其極

必有疑陽之事  
故戒之如此  
象曰既雨既處德積載也  
南軒曰畜道既成非有盛

德不足  
以載之  
君子征凶有所疑也  
伊川曰陰將盛極君子動則有凶也南軒曰伊尹之

於太甲周公之於成王皆小畜也故伊尹於此則告歸周公於此則復辟蓋知婦不可正月不可望故也

小畜上九爻與六四爻同屬於巽體是陰卦也然六

四爻則以巽體而處於九五之下有孚攣如是能以

小而畜大者也至於上九爻則與六四爻不同矣小

畜卦曰不雨上九則曰既雨彖曰尚往上九則曰既

處是小畜之道至上九而已成也當畜道已成之時

尚德載也不欲其過滿也為上九者以九居上陰疑於陽矣況可處於九五之上乎故戒之曰婦貞厲月幾望君子征凶婦者夫之陰也婦貞而欲自任則危厲矣月者日之陰也月至於幾望則不可以復過矣君子當小畜已極之時欲過有所往猶疑其為凶况小人乎六四則言无咎上九則言征凶以見小畜之時陰欲畜陽寧過於小不可過於極是易之大旨也



兌下  
乾上



履虎尾不咥人亨

序卦曰物畜然後有禮故受之以履伊川曰履禮也禮人之所履也為卦

天上澤下天而在上澤而處下上下之分尊卑之義理之常也禮之本也常履之道也故為履履踐也藉也履物為踐履於物為藉以柔藉剛故為履也又曰人之履行如此雖履至危之地亦無所害故履虎尾而不見咥

能亨也

履者禮也人能以禮自防常知畏懼如履虎尾之為可畏則不至於禍故不咥人亨直取譬而言耳非謂虎尾可履涉險冒危徒倖其不咥人以為亨也聖人作易教人以避凶之道豈果有虎尾而可履哉或謂

虎之威強首不可逆能履虎尾是勢之順則誤矣履卦六爻唯三爻四爻言履虎尾何也初九爻曰素履往无咎九二爻曰幽人貞吉下二爻屬於下卦能得所履於下矣九五爻曰位正當也上九爻曰元吉在上上二爻屬於上卦能得所履於上矣六三九四爻所以言履虎尾者三多凶四多懼也然九四爻與六三爻又不同九四爻云履虎尾愬愬終吉不言其啞人者以九處四安於九五之下剛而能靜愬愬知懼

常如履虎尾之為可畏宜其不至於啞人矣九三爻云履虎尾啞人凶有武人欲為大君之象既曰啞人凶矣卦乃言不啞人亨何也三多凶之地也與履虎尾无異武人處此欲為大君則凶矣唯能以六居三以柔履剛屬於兌體能應乎乾安於下卦之上不敢求越於上卦上天下澤限界截然无思犯禮故免於禍譬如履虎尾而不至於啞人所以亨也彖曰柔履剛也說而應乎乾是以履虎尾不啞人亨蓋指六三

爻而言也孔穎達亦謂履卦之義以六三為主

彖曰履柔履剛也說而應乎乾是以履虎尾不啞人亨

王弼曰成卦之體在六三也履虎尾者言其危也三為履主以柔履剛履危者也履虎尾而不見啞者以其說而應乎乾也乾剛正之德者也不以說行夫邪佞而以說應乎乾宜其履虎尾不見啞而亨

履卦凡五陽爻六三獨以一陰而居多凶之地故六

三爻曰履虎尾啞人凶其凶可知矣卦所以言不啞

人亨而不言凶者謂以六居三是柔履剛也與初九

九二同屬兌體以禮為說能以一陰而處于下卦二

陽之上亦是柔履剛也處下卦之上而不離乎兌體  
又能以柔而藉乎乾體之下是以柔而履於剛說而  
應乎乾者也故雖處多凶之地而不至於凶譬如履  
虎尾而不至於啣人所以為亨也

剛中正履帝位而不疚光明也

疏云謂九五也以剛處中得其正位居五之尊

是剛中正履帝位也而不疚光明者能以剛中而居帝位不有疚病由德之光明故也京氏曰涉世之道禮而已矣在下者柔順而說在上者剛健而中正是皆禮也

剛中正者專謂九五也五君位也以九居五剛而得

中合於乾體之正故可以履帝位而不疚其德光明人所共見凡在其下者莫不說服故取乾上兌下之象可以定民志矣彼六三之武人豈得為大君哉

象曰上天下澤履君子以辨上下定民志

王弼曰天尊在上澤卑處

下君子法此履卦之象以分辨上下尊卑以定民之志意使尊卑有序也

上天下澤一定而不可易非有難辨者唯三爻四爻在上下二卦之間尤當致辨故有履虎尾之戒君子觀象以辨上下定民志則履道可見矣

初九素履往无咎

伊川曰初處至下素在下者也胡氏曰禮之始以質素為本初九履之初

也能往踐質素而行之是以无咎

象曰素履之往獨行願也

伊川曰獨行其志願

耳龜山曰君子素其位而行素履也不願乎其外无入而不自得故往无咎

初九屬於兑體在下卦之下安乎素履以獨行其志

願禮尚質素不以華飾為悅以此而往宜其无咎

九二履道坦坦幽人貞吉

疏云以其在內卦之中故云在幽伊川曰九二居柔寬裕

得中其所履坦坦然平易之道也雖所履得坦易象曰之道亦必幽靜之人處之則能貞固而得吉也

幽人貞吉中不自亂也

伊川曰履道在於安靜其中恬正則所履安裕中若躁動豈能

安其所履故必幽人則能堅固而吉蓋中心安靜不以利欲自亂也

九二居內卦之中得兌體之正以貞守靜所履之道坦坦而安故能中不自亂不待上之人以禮治之而自有定志乃幽人之貞吉者也與六三爻之所謂武人者取象不同

六三眇能視跛能履

注云居履之時以陽處陽猶曰不謙而況以陰居陽以柔乘剛者乎

故以此為明眇目者也

履虎尾咥人凶

伊川曰三以陰居陽志欲剛而

體本陰柔安能堅其所履故如盲眇之視其見不明跛躄之履其行不遠才既不足又處不得中履於危地故



曰履虎尾不善履而履危地  
必及禍患也故曰啞人凶  
武人為于大君  
潘氏曰以六居三質

柔志剛不量已力妄欲有為應上九而履羣陽如象曰  
眇之欲視跛之欲履武人之欲為君宜其凶也

眇能視不足以有明也跛能履不足與有行也  
疏云六三以陰

居陽又失其位以此視物猶如眇目自為能視不足為  
明也以此踐履猶如跛足自為能履不足與之行也

啞人之凶位不當也武人為于大君志剛也  
伊川曰以柔居三履

非其正所以致禍害被啞而凶也以武  
人為喻者以其處陽才弱而志剛也

眇者雖不足以有明猶欲能視跛者雖不足以有行  
猶欲能履人皆不欲陷於危地也豈有虎尾而可履

者哉六三柔不得中處下卦之上位不當也志在從剛舍九五而求應於上九如武人欲為大君其危可知將與履虎尾无異必至於被啣而凶也曰啣人凶者戒六三也非謂九五為君於上而六三又可以武人而為大君於下也能辨上下履所以成卦也

九四履虎尾

疏云逼近五之尊位是履虎尾近其危也

愬愬終吉

疏云愬愬危懼也終

吉者以陽居陰意能謙退故終得其吉也

象曰愬愬終吉志行也

龜山曰處多懼之地

履虎之象也然體剛而志柔知愬愬戒懼順以從上故志行而終吉矣

四乃近君多懼之地故以履虎尾而為喻不言其咥  
人者以九居四愬愬知懼剛而守靜順處於九五之  
下能從上以行其志故終得其吉也

九五夬履貞厲

伊川曰夬剛決也五以陽剛乾體居至尊之位任其剛決而行如此則雖得正

猶危厲也象曰夬履貞厲位正當也

伊川曰戒夬履者以其正當尊位也居至尊之

位據能專之勢而自任剛決不復畏懼雖使得正亦危道也

繫辭曰履和而至履亦貴乎和也九五剛而得中合  
於乾體之正以禮而行可以定民志矣若過於夬履

剛決自任雖貞亦厲非所謂履帝位而不疚者也曰  
位正當也以陽剛而居剛位不可以過乎剛也

上九視履考祥其旋元吉

疏云旋反也伊川曰上處履之終於其終視其所履行以

考其善惡禍福若其旋則善且吉也旋謂周旋完備无不至也人之所履考視其終若終始周完无疚善之至也是以元吉龜山曰禮雖以進為文進極而過象曰元中亦不可行矣故其終也旋則元吉旋反也

吉在上大有慶也

伊川曰人之所履善而吉至其終周旋无虧乃大有福慶之人也人之行

貴乎有終

履者禮也人知敬畏禮所由生初九曰素履九二曰

幽人貞吉皆不待有所畏於外而自有定志也三多  
凶四多懼爻皆以履虎尾為喻欲使知所畏於外  
亦可以有定志也至於九五將何所畏哉九五有貞  
厲之戒克自抑畏不敢過於剛決也上九曰視履考  
祥其旋元吉上九屬於乾體在於九五之上猶天在  
於君之上也為人君者反觀於已考祥於天操履純  
全斯謂元吉則天鑒在上亦祐之以大有慶也君豈  
可不畏天乎履辨上下則知天下之所畏者君也君

之所畏者天也上下皆知敬畏則履道成矣

淙山讀周易卷三

欽定四庫全書

淙山讀周易卷四

宋 方寔孫 撰

上經



坤乾  
上下

泰序卦曰履而泰然後安故受之以泰伊川曰履得其  
所則舒泰泰則安矣白雲曰泰道之大者也通不足  
以盡之故曰泰小往大來吉亨疏云陰去故小往陽長故大來  
往則陰為內主陽无自  
而至故小往而後大來

小往大來陰小而陽大陰往而陽來也泰卦六五為致泰之主曰小往者謂六四上六順往于外卦也非謂六五亦為小人也曰大來者下三陽爻也三陽來于內卦設使六四欲以陰爻而沮之于上則陰陽不交不得為泰矣惟六五以虛中之道下應于九二剛中之大臣能使在內之三陽以同類而並進又能使六四翩翩不富順往于外欲以小人而下交于三陽之善類泰所以吉亨也至于上六則有城復于隍之



戒謂上六小人終未可保其往六五終欲保泰亦不可容小人于其上也

彖曰泰小往大來吉亨則是天地交而萬物通也上下

交而其志同也

疏云天地氣交而生養萬物物得大通故云泰也上下交而其志同者此以人

事象天地之交上謂君也下謂臣也君臣交好故志意和同伊川曰陽氣下降陰氣上交也陰陽和暢則萬物生遂天地之泰也以人事推之大則君上小則臣下君推誠以任下臣盡誠以事君上下志通朝廷之泰也陽為君子陰為小人君子來處于內小人往處于外是君子得位小人在下天下之泰也

內陽而外

陰內健而外順內君子而外小人君子道長小人道消

也。伊川曰：陽來居內，陰往居外，陽進而陰退也。乾健在內，坤順在外，為內健而外順，君子之道也。君子在內，小人在外，是君子道長，小人道消，所以為泰也。既取陰陽，又取君子道長，陰陽交和，乃君子之道長也。

三陽爻在內卦，以道而長，欲進而上，是君子以道而處泰也。小人道消，謂六四陰爻也。六四體本坤，順屬于外卦，自知失寔，翩翩欲下，以道而消，是小人亦以道而處泰，所以為泰之時也。處君子于內，處小人于外，所以處之者，六五也。象言財成天地之道，以后而當其事，是六五亦有道以處泰也。處泰之時，不得其

道欲容小人于其上則上六城復于隍泰將反而為否矣陰陽消長其幾可畏是六五處泰之後尤當有道以保泰也

象曰天地交泰

伊川曰天地交而陰陽和則萬物茂遂所以泰也

后以財成天

地之道

疏云剪財以成就天地之道游氏曰財者節其過成者補其虧

輔相天地之宜

以左右民

疏云天地之宜者謂天地所生之物各有其宜伊川曰天地交泰則萬物茂遂人君體之

而為法制使民用天時因地利輔助化育之功成其豐美之利也如春氣發生萬物則為播殖之法秋氣成寔萬物則為收斂之法乃輔相天地之宜以左右補助于民也朱氏曰交泰者天地交也財成輔相以人道交天

地也以左右  
民立人道也

有陰有陽是天地之道也陰陽交則為泰是天地之  
宜也人君觀象于泰以財成天地之道財者節其過  
成者補其虧欲使陰陽健順各得其宜如內君子外  
小人之類乃所以輔相天地之宜以左右民也舜曰  
予欲左右有民汝翼曰左右者非一人之力也泰卦  
三陽在內皆以左右民而為念可知質于天地而无  
愧此小人之所以順服也

初九拔茅茹以其彙貞吉

伊川曰君子之進必與其朋類相牽援如茅之根然拔其

一則牽連而起矣茹根之相牽連者故以為象彙類也賢者以其類進同志以行其道是以吉也龜山曰茅之

為物至潔而其用重象曰拔茅征吉志在外也

伊川曰時將泰則羣賢皆欲上進三

陽之志欲進同也故取茅茹彙征之象志在外上進也白雲曰君子以獨善為內以澤及于民為外

初九以剛明之質在內卦之下與九二九三以陽爻

為同類故取茅茹之象

九二包荒

童溪曰初九之君子處草野僻陋之地有茅茹之象二則從而包之故曰包荒

用馮

河

潘氏曰馮河有才力可以濟險者

不遐遺

疏云用心宏大无所遺棄伊川曰治夫泰者當周及

庶事雖遐遠不可遺若事之隱微賢才之在僻陋皆遐遠者也

朋亡

疏云无私于朋黨之事亡无也伊川

曰包荒用馮河不遐遺得尚于中行

疏云中行謂六五也處中而行以九

二所為如此尚配也象曰包荒得尚于中行以光大也

伊川曰象舉包荒一句而通解四者之義言如此則能配合中行之德而其道光明顯大也

九二應于六五得大臣之位而用君子于內曰包荒

是君子之在僻陋者亦包之也曰用馮河是君子之

有才力者亦用之也又能不遐遺以盡天下之慮朋

亡以示天下之公故能配合于六五中行之君而其

德愈光大也初九爻曰彙征是君子以類進也九二

爻曰朋亡是私立意見分朋植黨君子亦无是心也

九三无平不陂无往不復艱貞无咎

伊川曰平者陂往者復則為否矣童

溪曰三居下體之上上下下之交否泰相反之際也聖人預為之戒曰未有安平而不險陂者謂无常泰也无有常往而不反復者謂陰當復也于此而能不敢安逸艱難守正以待天以義勝命則可以保泰而无咎勿

恤其孚于食有福

伊川曰既能艱貞則可以保泰不勞憂恤得其所求也不失所期為孚如

是則于其祿食有福益也祿食謂福祉善處泰者其福長也白雲曰君子能為可信之道以无咎何恤乎人之必信與否也楊氏曰艱貞无咎象曰无往不復天地際在我而已勿恤于他人之不孚

也

伊川曰陽降于下必復于上陰升于上必復于下屈伸往來理之常也因天地交際之道明否泰不常之

理以為戒也

乾本乎上而交際于下坤本乎下而交際于上天地  
交所以為泰也九三處下卦之極上卦之下乃內外  
陰陽升降之會天地泰否相反之際其難處也况九  
三下比于九二上比于六四艱貞无咎正在乎君子  
小人之間應于上六又有城復于隍之象无平不陂  
无往不復否泰相仍如此可畏為九三者將奈何哉



以九居三雖非得中然過于艱貞猶可无咎劉介自  
信盡其在我而已矣信與不信聽于在人勿恤其孚  
彼六四爻之所謂不戒以孚者非九三之所暇恤也  
于食有福謂九三艱貞无咎可以无愧于天地之際  
食祿受福亦但聽于天地何如耳本朝元祐初有  
慮及他日報復者司馬光曰天若祚宋必无此事  
即泰卦有福之義也九三與上六為應九三處下卦  
之極則戒之曰无往不復上六處上卦之極則戒之

曰城復于隍泰至于極將必復反泰豈易保哉

六四翩翩不富以其鄰

注云坤爻皆樂下已退則從故不待富而用其鄰也伊川曰翩

翩疾飛之貌四翩翩就下與其鄰同也

不戒以孚

疏云鄰皆從已共同志願不待告戒而自孚

象曰翩翩不富皆失實也

伊川曰陰本在下之物今乃在上是失實也

不戒

以孚中心願也

伊川曰不待戒告而誠意相與者蓋其中心所願故也

六四與上六同以陰爻屬于坤體是小人之黨類也

鄰者六四下比于九三是其鄰也非謂六五君位而

六四指之以為鄰如此其等夷也陽實而有餘陰虛

而不足曰不富曰失實者皆謂陰爻也當泰之時六  
五為致泰之主為六四者順處于其下又能與其黨  
類皆恥失實翩翩不富欲疾飛而下交于九三以為  
鄰出于中心之所願不待戒告而自孚是小人之能  
交于君子者也九二爻曰得尚于中行六四爻曰中  
心願也六五爻曰中以行願也泰卦六爻言中者三  
以見六五之君中以行願而致泰乎上能使九二大  
臣得尚于中行亦能使六四以柔順之小人順往于

外各得其中心之所願內君子而外小人內外不同而同合乎中不至于相激所以為泰之時也

六五帝乙歸妹以祉元吉

注云婦人謂嫁曰歸泰者陰陽交通之時也伊川曰史謂

湯為帝乙厥後有帝祖乙後又有帝乙未知誰是以爻義觀之帝乙制王姬下嫁之禮法者也曰帝女雖皆下嫁至帝乙然後制為禮法使降其尊貴以順從其夫也六五以陰柔居君位下應于九二剛明之賢五能倚任其賢而順從之如帝乙之歸妹然降其尊而順從于賢則以之受祉且元吉也元吉大吉而盡善謂成治泰之功象曰以祉元吉中以行願也  
伊川曰所以能獲祉福且元吉者由其以

中道合而行其志願也

六五以柔中之道為致泰之主不自恃其尊貴而下  
應于九二陽剛之臣九二曰得尚于中行九五曰中  
以行願交得中道所以為君臣之交泰也君臣不可  
以敵體故取帝乙歸妹以為喻曰歸妹者陰陽交之  
象也曰以祉元吉者致泰之美皆上歸于六五也或  
謂六五有帝妹之象以女而當尊位則誤矣

上六城復于隍

子夏傳曰隍是城下池也伊川曰掘隍土積累以成城如治道積累以成泰及

泰之終將及于否如城土傾圯復反于隍也上泰之終六以小人處之行將否矣

勿用師自邑

告命貞吝

伊川曰君之所以能用其衆者上下之情通而心從也今泰之時終失泰之道上下之情

不通矣民心離散不從其上豈可用也用之則亂衆既不可用方自其親近而告命之雖使所告命者得其正

亦可羞吝邑謂所居親近又象曰城復于隍其命亂也

伊川曰城復于隍矣雖其命之亂不可止也

上六處泰之終以小人而壞之于其上是城復于隍之象也大勢將傾衆心離散已不可得而用自邑告命徒欲告于邑所親近之私人雖貞亦吝也况未必貞乎以此為命愈見其自召亂耳治亂相仍泰否相

反豈可盡諉于天命哉財成輔相言道而不言命是

易之微意也



坤下  
乾上

否之匪人

序卦曰泰者通也物不可以終通故受之以否伊川曰凡生天地之中者皆人道也天地

不交則不生萬物是无人道故曰匪人謂非人道也

不利君子貞

伊川曰上下交通剛柔和會君

子之道也否則反是故不利君子貞君子正道否塞不行也童溪曰小人之心非不利吾君子也不利君子之正也楊氏曰吾以正道而居否之大往小來伊川曰陽時雖曰不利而吾之正常自若也

往而陰來也

否卦下三爻皆屬陰道隨時消長有小人者有匪人者  
分數各不同初六曰貞吉是小人處否之初猶知君  
子之為貞吉故易于初六未斥言其為小人也六二  
曰包承小人吉爻始知小人矣以六居二柔而得中  
猶知以包承九五而為吉是小人之中亦有吉者即  
彖所謂小人道長者也使小人而皆无道亦何以能  
長乎至于六三則不可謂之人矣孟子曰無羞惡之  
心非人也六三處二陰之上而柔不得中處三陽之



下而不獲于君子包羞自任不復知恥即卦所謂  
否之匪人者也不否卦坤下乾上上下下所以不交者由  
六三之无人道也故曰否之匪人不利君子貞大往  
小來皆責六三之辭也上三爻皆屬陽九四曰有命  
无咎九五曰休否大人吉上九曰傾否先否後喜皆  
言反否為泰之道是君子有道以處否所謂君子貞  
者亦非終不利也大往小來彼小人者亦果何利于  
此哉

彖曰否之匪人不利君子貞大往小來則是天地不交

而萬物不通也上下不交而天下无邦也

䷋云上下乖隔則邦國滅

亡伊川曰天地之氣不交則萬物无生成之理上下之義不交則天下无邦國之道内陰而外陽

内柔而外剛内小人而外君子小人道长君子道消也

伊川曰陰柔在内陽剛在外君子往居于外小人來處于内小人道长君子道消之時也

泰卦彖曰内健而外順否卦變而曰内柔而外剛可

以見君子小人之情狀矣當泰之時君子以健而敢

為于内小人則以順而獲免于外當否之時小人以

柔而取容于內君子則以剛而決去于外故小人常  
易長君子常易消其道各不同也

象曰天地不交否君子以儉德避難不可榮以祿

伊川曰否

塞之時君子道消當觀否塞之象以儉損之德避免禍  
難不可榮居祿位也否者小人得志之時君子居顯榮  
之地禍患必及其身故宜晦處窮約也

否卦以君子而當其象是天下否塞之時不容一日  
无君子也

初六拔茅茹以其彙貞吉亨

伊川曰泰之時則以同征  
為吉否之時則以同貞為

亨楊氏曰初六一陰方長而君子已知其三陰之類從矣已有引身而退貞固自守之心曰貞吉亨者以退為吉以窮象曰拔茅貞吉志在君也

伊川曰以其道方否不可進故安之耳心

未嘗不在天下也其志常在得君而進以康濟天下故曰志在君也

否初六與泰初九相反者也皆言拔茅茹者茅取其潔也時有否泰君子與其同類皆欲廉潔有拔茅茹之象不以窮達變其節也泰初九爻曰以其彙征吉曰志在外也是君子處泰之時與其同類以進為吉則志在澤民于外也否初六爻曰以其彙貞吉亨曰

志在君也是君子處否之時與其同類以守貞為吉  
猶有亨否之望則志在于感悟其君也或謂否卦三  
陰在下亦以類而進如拔茅茹則誤矣

六二包承

潘氏曰六二居中得正上應九五中正之君能包含以承順之有坤道含之以從王事之

道小人吉大人否亨

伊川曰六二其質則陰柔其居則中正以陰柔小人而言則方否于

下志所包者在承順乎上以求濟其否為身之利小人之吉也大人當否則以道自處豈肯枉己屈道承順于上唯自守其否而已身象曰大人否亨不亂羣也  
伊川曰大

人于否之時守其正節不雜亂于小人之羣類身雖否而道之亨也故曰否亨

六二質本陰柔與初六六三為羣類唯以六居二得中而順善處二陰之間不可雜亂于小人之群類是小人之吉者也應于九五休否之大人而得包承之道則知大人否亨九五所以能亨于其上者亦由六二能包承之于其下也謂之包承雖不若泰九二之包荒然比于否六三之包羞則六二為吉矣

六三包羞

伊川曰三以陰柔不中不正而居否又切近于上非能守道安命窮斯濫矣極小人之情

狀者也其所包蓄謀慮邪濫無所不至可羞恥也

象曰包羞位不當也

潘氏曰陰居陽

位處非其據含羞  
忍恥不足道也

六三處二陰之上是否卦小人之已極者也處不當  
位猶欲包羞而不知恥乃卦所謂匪人者也

九四

伊川曰四以陽剛健體居近君之位是有濟否之才而得高位者也  
有命无咎疇離

祉

伊川曰能使事皆出于君命則可以濟時之否其疇  
類皆附離其福祉離麗也君子道同其類同進以濟

天下否象曰有命无咎志行也  
伊川曰有君命則得无咎乃可以濟否其志得行也

楊氏曰此志即初六之時懷在  
君之志乃今得君而行其志耳

君子當否之時不可榮以祿九四无咎與其疇類皆

離于福祉者有君命也九五為體否之君九四得近

君之位宜其志行也故曰有命无咎

九五休否大人吉

伊川曰五以陽剛中正之德居尊位故能休天下之否大人之吉也

亡其亡繫于苞桑

繫辭曰危者安其位者也亡者保其存者也亂者有其治者也伊川曰大

人當位能以其道休息天下之否以循致于泰猶未離于否也故有其亡之戒否既休息漸將反泰不可便為安肆當深慮遠戒常虞否之復來曰其亡矣其亡矣其繫于苞桑謂安固之道如維繫于苞桑也桑之為物其本根固苞謂叢生者其象曰大人之吉位正當也  
伊川曰有固尤甚聖人之戒深矣

大人之德而得至尊之正位故能休天下之否是以吉也无其位則雖有其道將何為乎故聖人之位謂之大



實

否之時天下无邦小人用事將至于亡其國矣九五  
為休否之大人知有其亡其亡之戒所以重惡小人  
也

上九傾否先否後喜

伊川曰上九否之終也物理極而必反故泰極則否否極則泰上九

否既極矣故否道傾覆而變也先極否也後傾喜也否傾則泰矣

象曰否終則傾何可

長也

伊川曰否終則必傾豈有長否之理極而必反理之常也然反危為安易亂為治必有剏陽之才而

後能也故否之上九則能傾否屯之上六則不能變屯也

上九處否之終則曰傾否易終為君子謀也



離下  
乾上

同人于野亨利涉大川

序卦曰物不可以終否故受之以同人伊川曰出之方否必與

人同力乃能濟同人所以次否也又曰常人之同者以其私意所合乃暱比之情也故必于野謂不以暱近情之所私而于郊野曠遠之地既不係所私乃至公大同之道无遠不同也其亨可知與天下大同是天下皆同之也天下皆同何險阻之不可濟  
**利君子貞**  
伊川曰小何艱危之不可亨故利涉大川人則唯用其私意所比者雖非亦同所惡者雖是亦異故其所同者則為阿黨蓋其心不正故也故同人之道利在君子之貞正白雲曰不能同人而欲人同已者小人也能同人則君子矣

同人九五以乾體而行于上為同人之主以至公而  
同于人合乎天德有同人于野之義人亦同戴一天  
也則天下大同而亨矣何險之不可濟哉故彖曰同  
人于野亨利涉大川乾行也謂九五也利涉大川非  
一己之私利以利而同于人所以能同人也又曰利  
君子貞謂六二也易他卦多以陽爻為君子之象唯  
同人卦五陽而一陰以六二而應九五曰君子貞以  
見君子柔中之道以正而同亦不貴乎苟同也故彖

曰文明以健中正而應君子正也

彖曰同人柔得位得中而應乎乾曰同人

伊川曰柔得位謂二以陰

居陰得其正位也五中正而二以中正應之得中而應乎乾也五剛健中正而二以柔順中正應之各得其正其德同也故為同人五同人曰伊川曰此三字義文同人于野亨

利涉大川乾行也

伊川曰至誠无私可以濟險難者乾之行也无私天德也

文明以

健中正而應君子正也

疏云謂六二九五皆居中得正而又相應是君子之正道也

唯君子為能通天下之志

疏云唯君子之人于同人之志時能以正道通達天下之志

故利君子之貞

象曰天與火同人

疏云天體在上火又炎上取其性同

君子以類族辨物

伊川曰君子觀同人之象而以類族辨物各以其類族辨物之同異也若君子小人之黨善惡是非之理物情之離合事理之異同凡同異者君子能辨明之故處物不失其方也潘氏曰類族辨物至同之中辨其邪正也

天行于上火亦炎上其性同也然火炎則燥不得以

同于天是同之中又有不同也君子觀象以類族辨

物故初九六二九五上九爻凡言同人者四謂可同

則同也如九三之伏戎于莽九四之乘其墉乃剛暴

小人之象不可與之苟同也故九三九四爻皆不言

同人

初九同人于門无咎象曰出門同人又誰咎也

伊川曰出門同

人于外是其所同者廣无所偏私人之同也有厚薄親疎之異過咎所由生也既无所偏黨誰其咎也

初六為同人之初故以出門為喻出門而同于六二

中正之人又无所偏係于其内宜乎无咎

六二同人于宗吝

注云應在乎五唯同于主童溪曰宗云者已之所尊而敬者謂九五也

象曰同人于宗吝道也

疏云不能宏濶是鄙吝之道

六二處大臣之位係應于九五是其主也故曰同人

于宗然六二質本陰柔而剛健不足能同于其主未  
必能盡同于天下之人故九三伏戎于莽九四乘其  
墉皆欲間之于其上可見羞吝矣故曰吝道為六二  
者惟自知其道之有所未足充廣所為文明以健能  
上合于九五乾行之道則可以為正也

九三伏戎于莽升其高陵三歲不興

疏云九三處下卦之極不能包宏上

下通夫大同欲下據六二上與九五相爭也但九五剛健九三力不能敵故伏潛兵戎于草莽之中唯升高陵以望前敵量斯勢也縱令更經三歲亦不能興起也伊川曰伏藏兵戎于林莽之中懷惡而內負不直故又畏

懼時升高陵以顧望如此至于三歲之  
久終不敢興此爻深見小人之情狀

象曰伏戎于莽

敵剛也

伊川曰所敵者五既剛且正其可奪乎故畏憚伏藏也

三歲不興安行也

伊川曰至于三歲不興矣終安能行乎童溪曰三歲只取久意

九三剛不得中小人強暴之象欲乘六二以據其上  
機穽深密如伏兵戎于林莽之中猶懼復發又處下  
卦之極如升高陵有所憑依于上顧望猶未已也唯  
九五應于六二非九三之所能敵故九三自知退伏  
三歲不興安行于下亦終未敢動也



九四乘其墉弗克攻吉

伊川曰墉牆所以限隔也四切近于五如隔墉耳乘其墉欲攻

之知義不直而不克也苟能自知義之不直而不攻則為吉也若肆其邪故不能反思義理妄行攻奪則其凶大矣三以剛居剛故終其強而不能反四以剛居柔故有困而能反之義能反則吉矣童溪曰子之以吉亦以開小人知反之門潘氏曰二應五而四

象曰乘其墉義

弗克也其吉則困而反則也

伊川曰以邪攻正義不勝也所以得吉者由其義不

勝困窮而反于法則也

九四剛而不中近于九五有窺伺其君之意故曰乘

其墉人主一心攻之者衆唯九五剛中而應于二界

限分明如墉牆之不可得而越故九四于義弗克乘  
間而攻六二乃困而自反于法則以此為吉九五亦  
後笑之也

九五同人先號咷而後笑

伊川曰邪不勝正雖為所  
隔終必得合故後笑也大

師克相遇

伊川曰五與二正應而二陽非理隔  
奪必用大師克勝之乃得相遇也

象曰同

人之先以中直也

疏云五以二應用其剛直眾所未從  
故九五六二欲相和同九三九四與

之競五未得二志未和  
同于二故先號咷也

大師相遇言相克也

疏云以其  
用大師與

三四相伐而得克勝乃  
與二相遇故言相克

九五先以中直之道而應于六二為九三九四所隔  
上下未和險難未濟故有先號咷之象唯二五同心  
內則克去己私外則克去小人能用大力如正大之  
師可以克勝故得九三不與九四弗克然後二五得  
以相遇而後笑乃卦所謂利君子貞者也

上九同人于郊无悔

疏云郊者外之極也伊川曰上九居外而无應終无相同者也又曰

處遠而无與故雖无同亦无悔雖欲同之志不遂而其終无所悔也

象曰同人于郊志未

得也

楊氏曰郊野二也同人于野為亨為利同人于郊止于无悔且未得志者上九居一卦之外而无位

雖欲同人而人皆同乎九五  
矣誰我同哉故曰志未得也

同人于野亨彖謂之乾行者九五也上九在卦之外  
曰于郊者有逸民之象曰无悔曰志未得如巢由之  
于堯舜夷齊之于武王人不得而強與之同也因其  
不同而與之為不同是亦所以為同矣



乾下  
離上

大有

序卦曰與人同者物必歸焉故受之以大有伊川  
曰與人同者物之所歸也大有所以次同人也為

卦火在天上火之處高其明及遠萬物之衆无不照見  
為大有之象又一柔居尊眾陽並應居尊執柔物之所

歸也上下應之為大有元亨伊川曰卦之才可以元亨之義大有盛大豐有也又曰由剛健文明應天時行故能元亨

陽者大也大有卦自六五之外凡五陽爻六五獨以虛中而在上為五陽之所歸唯不自大者能大其有故有元亨之道也

彖曰大有柔得尊位大中而上下應之曰大有

注云處尊以柔

居中以大體无二陰以分其應上下應之靡所不納大有之義也伊川曰五以陰居尊位柔得尊位也處中得大中之道也為諸陽所宗上下應之也夫居尊執柔固衆人所歸又有虛中文明之德故上下同志應之所以

為大有也其德剛健而文明應乎天而時行是以元亨

疏云六五

應九二九二在乾體故云應乎天也德應于天時行不失時以時而行則萬物大得亨通潘氏曰柔中之君能得天下之衆君子為大有剛健乾之德文明離之德內剛健而外文明應于天而行之以時所以元亨也

九二以剛健之德上應于六五文明之君九二之德皆六五之所得而有故曰其德剛健而文明

象曰火在天上大有

伊川曰火在天上照見萬物之衆多故為大有

君子以遏

惡揚善順天休命

伊川曰遏絕衆惡揚明善類以奉順天休美之命楊氏曰遏惡揚善是君

子之道合乎天也六五之君能用君子則天亦終祐之于上如上九所謂自天祐之是也

初九无交害匪咎艱則无咎

伊川曰九五大有之初未至于盛處卑无應與未有

驕盈之失故无交害未涉于害也又曰富有本匪有咎也人因富有自為咎耳若能享富有而知難處則自无

咎象曰大有初九无交害也

伊川曰在大有之初克念艱難則驕溢之心无由生

矣所以不交涉于害

大有六爻言大有者二初九上九是也初九則欲知

難于其始故曰艱則无咎上九則欲善保于其終故

曰吉无不利唯九二爻曰大車以載有攸徃言大言

有而不敢言大有是大臣之不敢自大者也

九二大車以載有攸徃无咎

伊川曰九以陽剛居二為六五之君所倚任剛健則

才勝居柔則謙順得中則无過其才如此所以能勝大有之任如大車之材強壯能勝載重物也可以任重行遠故有攸徃而无咎也大有豐盛之時有而未極故以二之才可徃而无咎至于盛極則不可以徃矣

象

曰大車以載積中不敗也

伊川曰壯大之車積載于其中而不損敗猶九二才力之

強能勝大有之任也

大有九二有乾之德无乾之位唯能剛健得中承六

五于其上譬如大車以載能勝重任則有徃而无咎

故曰積中不敗若過中而失于太重則不勝任而敗



矣為大臣者亦自量力也

九三公用亨于天子小人弗克

注云處大有之時居下體之極乘剛健之上而

履得其位與五同功威權之盛莫斯過焉公用斯位乃得通乎天子之道小人不克害可待也伊川曰三當大有之時居諸侯之位有其富盛必用亨通于天子謂以其有為天子之有也乃人臣之常義若小人處之則專其富有以為私不知公以奉上之道故曰小人弗克象曰公用亨于天子小人害也伊川曰若小人處之則不知為臣奉上之道以其有為己之私民衆財豐則反擅其富強益為不順是小人大有則為害又大

有為小人之害也

九三在下卦而居上是人臣之已在人上者也以九

居三以乾健之德處大有之時能剛而貞安于公位  
不離于下卦有用亨于天子之義文王事商即是心  
也若小人處之弗克知義則以大有而為害者有之  
矣如後世莽卓之徒是也

九四匪其彭无咎

伊川曰匪其彭則得无咎謂能謙損不處其大盛則得无咎也四近君之

高位苟處大盛則致凶咎彭盛多之貌詩載驅云行人彭彭盛多之貌

象曰匪其彭无咎明辨

哲也

伊川曰能不處其盛而得无咎者盖有明辨之智也哲明智也賢智之人明辨物理當其方盛則知

咎之將至故能損益不敢至于滿極也童溪曰四陰位也以抑損為事故剛不至于過四離之初也故以明辨

物理  
為哲

九四得近君之位而不敢自大故曰匪其彭宜其无

咎

六五厥孚交如威如吉

伊川曰六五當大有之時居君位虛中為孚信之象人君執柔

守中而以孚信接于下下亦盡其誠信以事于上上下孚信相交也以柔居尊位當大有之時人心安易若專尚柔順則陵慢生矣故必威如則吉威如有威嚴之謂也既以柔和孚信接于下眾志悅從又有威嚴使之有畏善處大有者象曰厥孚交如信以發志也

伊川曰由上有孚信

以發其下威如之吉易而无備也

伊川曰威如之所以吉者謂若无威嚴則

下易慢而无戒脩也潘氏曰富有之世上下之志雖同然不可以无脩也六五柔居君位故有是戒

六五虛中守信以發衆陽之志厥孚交如美歸于上  
六五所以為大有之君也然大有之時不能皆无小  
人九三曰小人害也若不防小人則慢易而无脩非  
吉道也唯孚如以待君子威如以待小人合于揚善  
遏惡之道所以為吉

上九自天祐之吉无不利

伊川曰行順乎天而獲天象祐故所往皆吉无所不利

曰大有上吉自天祐也

此爻言天祐六五于其上也非謂上九爻得天祐又  
過于六五也上九爻在五之上猶天在君之上也五  
君位也應天而時行天亦祐之于其上故曰上吉謂  
吉在于上自天而祐之也履上九爻曰元吉在上亦  
是此意繫辭又言大有之所以得天者在于得人故  
曰祐者助也天之所助者順也人之所助者信也履  
信思乎順又以尚賢也是以自天祐之吉无不利謂  
六五能遏惡揚善以順天休命故天之所助者順也

又能虛中履信而尚賢厥孚交如衆陽並應故人之  
所助者信也天助于上人助于下即彖所謂上下應  
之曰大有也非必謂上九履五為信也

淙山讀周易卷四